

# Kabomwi ibukin kateimatoan te marurung

Te kaotaota ibukia taan mwakuri man aban te betebeke ao Timo-Reste iaon Aotiteria



## Baika ko na raii n atai ibukin buokam n te aoraki



**Teuana kabaeam n am visa e bon raii ni iai te mwane ae tauraoi ni kaitarai am kabanemwane ibukin kateimatoan marurungim.**

Inanon am tai ni mwakuri iaon Aotiteria ao ko kabaeaki iaan taekan am Visa n te karinan ae International Relations (Temporary Work) Subclass 403, Condition 8501 bwa e raii ni iai te mwane ni kabomwi ibukin kateimatoan marurungim. Bon tabem bwa ko na taraia bwa e na aki bane tain am kabomwi aio inanon tikum ni mwakuri iaon Aotiteria. Ngkana ko katoka te kabomwi aio ibukin marurungim ko na ataia bwa ko a bon urua iai tuan am visa. Ibukin buokam bwa ko na aki urua tuan am visa ao e na tatauaki man am bwakabwai te mwaitira ae e raii bwa kamaiuan te kabomwi ibukin kateimatoan marurungim.



### Kawakin kainibaire iroum n taai nako.

Ko raii ni kawakina iroum katootoon am beebwa ni kakoaua ibukin te kabomwi (COI) ma/ke am card are e kaotia bwa ko kaaina te kabomwi anne bwa mwina ko kainnanoa ae ko na kawara te taokita.



### Te ibuobuoki ibukin te kabomwi

Tuo am card ibukin te kabomwi ao beebwa ni kaongora ake ko anganaki ni moan rokom i Aotieria ibukin arom n reitaki nakon are e na buokiko ibukin karoan am kabomwi ibukin kateimatoan marurungim (nambwan ana tareboon, website ke email address). E na ibuobuoki aio ngkana ko kainnanoa buokam n oota n te kainibaire ibukin te kabomwi ngkana ko rotaki n te aoraki. Taraia naba bwa ko na rabakau arom ni kotea te kainibaire ke te nambwa are ko raii ni kairia ma am bubuti ibukin te kabomwi ngkana ko reitaki ibukin buokam.



### Anga rongorongom aika koaua ibukim n te tai aei.

Ko raii ni kakoaua ma te kambwana ni kabomwi bwa rongorongom inanoni baiia a bane ni koaua ibukim n te tai anne. E na kona naba ni kainnanoaki nambwan am mobile ma am tabo ni maeka ao nambwan am baoki n te post office bwa n anguin te tai akea rongorongan aikai n te tai are e biriakinaki iai kaboan te kabomwi ibukin kateimatoan marurungim.



### Tuoan taum ke riaim bwa ko na kabomwi

E na kona te kambwana ni kabomwi n tangiri katootoon tamneim ma rongorongom n am passport ao visa ibukin kakoauana bwa ko na raii ni kabomwi ke ko aki.



### Kabwakamwane ibukin te Kabomwi

Maroro ma am Tia Kammwakuri kaotako bwa e na kanga aron biriakinan bwakamwane ibukin am kabomwi, n reitaki ma mwaitira ae e na tatauaki man am bwakabwai.



### Taokita ke Oo n aoraki

Bon iai te kaokoro i marenaia **taokita ni kabuta** ma **Onaoraki** iaon Aotiteria.

Ibukia aika tiaki kaain te aba, nakom nakon te Oo n aoraki e na kona ni karekea te kabanemwane ae korakora ibukin karoan aorakim aika a aki kakaiaki. E ngae ngke e na bon kaboaki aio irouia kambwana ni kabomwi, ko na raii ni kabwaka boon tuoam ma buokam n te tai naba arei ao ko a tibwa kona ni karekea boon mwin am kabanemwane imwina.

**Kawara te Taokita ibukin aoraki aika a aki kakaiaki.**

**Kawara te Oo n aoraki ti bukin aoraki aika a kakaiaki.**





# Karekean kabomwi ibukin te aoraki

E na bon tannako aron biriakinan te kabomwi ma te kambwana ni kabomwi teuana ma teuana. Te taibora ane i nano bon buokam bwa tera kawaina ma e na rangi ni ibuobuoki naba are ko bon kakoauai raoi baika a tangiraki ioun te kambwana ni kabomwi teuana ma teuana n aia website n te intanete.

## BIRIAKINAN AM BUBUTI

### KARINA AM BOOMA NI BUBUTI

1. Kakoaua bwa tera raoi kawain karokoan am bubuti ioun te kambwana ni kabomwi iaon aia iteraniba iaon te intanete(n reitaki ma kardin bubuti iaon te intanete, kaotinakoa- rawea tamneina-email ke rinanon te App).
2. Kabwanina kanoaan am booma ni bubuti.
3. A riai n airi kakoauaan am bwakamwane/te rititi ma am booma ni bubuti ngkana ko kardinna. E na riai n oti te mwaiti ae e kabwakaki, bongin namakaina are e kabwakaki iai ao rongorongan te Oo n aoraki ke te taokita are e buokiko n aorakim.

### KAAIRI NABA BEEBWA NI KAKOAUUA MAN TE OO N AORAKI KE MAIROUN TE TAOKITA.

#### Ibukin kakawaran te Taokita

- Te invoice ae e katerei kanoana teuana ma teuana ao n airi ma MBS
- Te ribooti are e oti iai mwin te tutuo ngkana e tauraoi

#### Ibukin kakawaran te Oo n aoraki

- Kakoauaan riniim ma otinakom man te Oo ao ribooti iaon aorakim ngkana a tauraoi
- Invoice aika a kaoti iterani kabanemwane nako

## MWIN RINANOAN BUBUTI

### ✓ E BUTIMWAEAKI

E na reke nakoim te kabomwi ao ni kabwakaki n te tieke ke bon nakon am akaunti n te bangke.

### ✗ E AKI BUTIMWAEAKI

Ngkana e ritinanikun ana kainibaire te kambwana ni kabomwi am bubuti ao ko na kaongoaki aei n te SMS, ke te email ke bon te reta man te kambwana ni kabomwi.

### ❓ RONGORONGO RIKI AIKA A KAINNANOAKI

Ngkana e a tia ni aki rangi n eti raoi kanoan te booma ni bubuti ke n aki tabwanin raoi beebwa ni kakoaua ke n aki tau rongorongo man te Oo n aoraki ke te taokita ao e na manga reitaki nakoim te kambwana ni kabomwi n te SMS ibukin aei. Taiaoka kakoaua bwa a tabwanin am rongorongo iaon am booma ni bubuti n reitaki ma beebwa ni kakoaua ni kabane ake ko na kaairi ma am booma ngkana ko kardin am bubuti.

## 💡 Aoraki aika kardin man kakaiaki

Ngkana e reke iroum te aoraki ae e kakaiaki, karekea buokam man te Oo n aoraki ae te kabanea ni kaan ma ngkoe ke tareboonia te amburanti iaon ☎ 000 ibukin buokam ae tawe.

Ni kabane Oo n aoraki iaon Aotiteria a bane ni iai mwaangaia aika a uki 24 te aoa ike ko na kona ni karekea buokam i tinanikun aia aoa ni mwakuri taokita, ao n reitaki ma n te Kanimabong nakon te Tabati.

## RONGORONGO RIKI TABEUA AIKA A IBUOBUOKI

### Taan bwainaoraki aika a kanakoi boon aia tieweti nakoia kambwana ni kabomwi

Tabeman taokita ma taan rabakau n itera aika a kaokoro, n aroia pathologists ma tan kataratara a bon bae n tia n rin ibuakoia taan anga te ibuobuoki ake e reitaki ma ngaiia te kambwana ni kabomwi. Aio are e anganira te kona ni waekoa ni karokoa rongorongan boon aia tieweti nakoim nakon te kambwana ni kabomwi ao a aikoa tiatiniko iai boona ae bwanin. Tao ko na bon tangiraki bwa ko na kabwaka te kakoro n te tai arei nakoia ma ko aikoa kainnanoaki bwa ko na manga kardin am booma ni bubuti ibukin te itera anne. Ongora ioun am kambwana ni kabomwi bwa e a tia n rin aran am taokita ibuakoia taan anga te ibuobuoki n ana reitaki am kambwana ni kabomwi ke e tuai ao ngkana e tuai, butia am kambwana anne bwa e na kardinna.

Ibukia taan anga te ibuobuoki ake aki rin n te waaki anne ma am kambwana ni kabomwi , ko na riai ni kabwaka ni kabane boon buokam irouia te taokita ke taan buokiko akanne ao ko a kardin am booma ni bubuti ibukin karekean te kabomwi man am kambwana ni kabomwi rimwi.

### Beebwan Kabwarabwaraan te Kabomwi

Beebwan Kabwarabwaraan te Kabomwi e anga rongorongo iaon kanoan am kabomwi, baike a na reke mai iai, baika aki reke, tera kanoana ma babaire iai. Kakoaua bwa tera raoi tein Beebwan Kabwarabwaraan te Kabomwi ioun am kambwana ni kabomwi ao reitaki ma ngaiia ibukin am titiraki ngkana iai iaon aia kainibaire.

### Iai riki am titiraki?

Ngkana ko kainnana buokam n oota iaon te kabomwi ibukin kateimatoan marurungim ao taiaoka reitaki ma am Tia Kammwakuri, ke tareboonia ana tieweti ni boutoka te PALM iaon 1800 51 51 31 ke nakon: [www.privatehealth.gov.au/health\\_insurance/overseas](http://www.privatehealth.gov.au/health_insurance/overseas)



Ibukin buokam n aoraki aika kakaiaki ➔ Oo n aoraki(ibukin aoraki aika a kakaiaki) ke tareboonia te amburanti iaon 000



Ibukin aoraki aika aki kakaiaki ➔ Taokita